

VANWODS hemi finansiol sevis provaeda mo komuniti fren blong yu. Blong kam wan lida long komuniti we ol man i respectem blong save kasem finansiol help mo bisnis development sevis, blong laef long digniti mo sekuriti.



Trening blong Mikrofinans long China

VANWODS hemi wantem talem tankio long Chaenis Kavman from bigfala sapot, tru long patnaship wetem Republik blong Vanuatu, we hemi save givim janis long Ni-Vanuatu blong travel i go long China blong atendem Semina, kos mo trening. Staf blong VANWODS, Mrs. Koanapo Anita hemi travel i go long China blong atendem wan semina long Smol Mikro-Entapraes long 25th Mei kasem 15th June 2016. Trening ia i buildim Mrs. Koanapo long save blong hem mo experiens mo bai i sapotem VANWODS long gol blong hem-blong helpem Mikro Bisnis long Smol Mikro-Entapraes.



Sot film blong NAMATAN

Staf blong VANWODS oli atendem wan video prodaksen trening wetem Namatan Sot Film festival. Hemi stat long 2012 tru long Ostralia hae komisen, Namatan hemi providem trening long ol man long komuniti we oli gat interest. IT blong VANWODS Mr. Yano Metan,

Operesen Manaja- Mrs. Elizabeth B Iauko mo JICA Voluntia- Mr. Teruaki Tagashira, oli atendem trening ia long 27-29 April long Wan Smol Bag. Ol patisipants oli lanem hao blong mekem wan storian, shooting mo editing. VANWODS bai hemi usum skills ia blong mekem video blong ol kastoma.

Help blong Asian Development Bank

VANWODS i wantem talem tankio i go long Asian Development Bank blong save fandum wetem gudfala sapot blong buildim bak ofis blong VANWODS, mekem fenis mo ol ekipment blong ofis. Manejement blong VANWODS i wantem talem tankio long olgeta shareolda mo ol kastoma from komitment blong olgeta long okanaesesen afta long hariken PAM we hemi damajem ofis ia. Naoia ofis ia i redi blong open bifo end blong yia ia 2016.

Ripot blong Branj -VILA Branj

Mrs. Anita Bebe hemi wan long ol fes memba blong join long VANWODS. Mrs Bebe hemi join long Simbolo Women Associesen, long 1996, taem VANWODS hemi start olsem wan projek blong Department blong ol Women. Mrs. Bebe hemi gat 58 yia mo hemi gat 5 pikinini, tu boy mo tri girl. Taem hemi statem joinem VANWODS, Mrs. Bebe hemi neva resaen mo hemi biliv strong se hemi save mekem wan samting. Mrs. Bebe i bin stat long VANWODS long 1996, wetem wan bisnis lon blong 5000vt, mo naoia hemi manajem tu bisnis blong hem wan, kukum pinat mo salem ice krim. Mrs. Bebe hemi talem tankio long VANWODS mo talem " Okanaesesen ia hemi olsem wan blessing long famili blong hem, from bifo long taem ia, ol bank i no luk save ol poor woman, be VANWODS hemi empawarem ol women wetem sevis we hemi stap givim aot long olgeta". (+678-26829 vila@vanwods.org.vu)

- SANTO Branj

VANWODS Santo branj bai hemi celebratem Open Dei blong hem long Lugainville long Oktoba 2016. President blong Open Dei komiti, Mrs. Jack Adlyn, hemi talem se ol komiti memba oli wok tugeta blong okanaesem selebresen ia. Open Dei strong tim hemi " VANWODS I PROMOTEM WOMAN EMPAWA-MENT TRU LONG SMOL BISNIS" Bai i gat plante aktiviti, olsem fashion show kompetisen. Moa long 1600 memba blong VANWODS bai oli kam parade stat long Unity store kasem Unity pak, ples blong selebresen. Senia Fil Akaon ofisa blong VANWODS long Santo, Ms. Langon Valerie hemi talem aot se ol memba blong VANWODS long Santo i stap luk fowad long even ia.

Ex Unelco Ofis, Lugainville
+678-36035 santo@vanwods.org.vu

- MALEKULA Branj

VANWODS Malekula Branj hemi glad blong gat wan plan blong wan niu mo gudfala event. Even ia hemi wan klin up wetem tim ia "Aotem Malaria long Malampa province". Thinkthink blong mekem even ia hemi blong givim back seves i go long Malampa province, taem oli klin up long area blong Norsup Hospital long 24th Okis 2016. President blong komiti, Ms. Vermaito wetem tim blong hem oli wok had from even ia. Senior Akaon ofisa blong VANWODS long malekula Ms. Astina Signo hemi talem aot se Manajem blong Hospital long Norsup hemi congratulatem VANWODS blong okanaesem even ia.

Lakatoro
+678-48453 malekula@vanwods.org.vu

- TANNA Branj

Mrs. Naosian Christine blong Lenakel Tanna, hemi wan sakesful bisnis woman mo hemi hapi blong talem storian blong hem. Bifo hemi joen long VANWODS, Mrs. Christine hemi stap salem kakai long rod maket. Mrs. Christine hemi joenem VANWODS LTC senta long 2011 mo statem bisnis blong Lodge. "Lenakel Lodge". Hemi go hed blong manajem bisnis mo hemi go long nekis level blong lon we hemi Smol Mikro-Entapraes. Mrs. Chistrine hemi glad se VANWODS i empawarem hem tru long Finansiol help.

Black Man taon, Lenakel
+678-88000 tanna@vanwods.org.vu



Plan blong kasem Gol

Wan drim we yu raetem wetem wan deit hemi wan
GOL.
Wan gol we yu brekem i kam down long step hemi kam wan
PLAN.
Wan plan we yu putum long **ACTION** bai i mekem drim blong yu i kam tru.